

明名臣言行錄

明名臣言行錄序

後世之史繁故宋遼金元之書至今未定明之史雜而  
僞萬曆啓禎之際事多失實已不可據甲申之變史尤  
龐猶有一書爲一人而出以蓋厥愆有一事一人言之  
而他人假竊冒之以爲名若然者不必求天下後世之  
人共信但求其可疑疑則是人有藏身之地開辨白之  
門而真僞是非不可畫然而斷此奸人之雄然亦終不  
無敗露之日見睨曰消良可哀也今夫國家之淆亂莫  
甚于言之背馳孔子曰躬行未有曰聽言觀行孟曰  
言堯服堯必行堯乃爲是堯苟言堯服堯而行桀則其

罪尤甚于桀不如言桀服桀之猶無揜著也故世之所  
謂名臣不必其言之曉暢而綜核磊落而激昂惟觀之  
于蒞官施政蒞官施政惟觀其便于民有利于君國則  
其行之無可疑者矣歐公謂恂恂無華之醫惟病人以  
爲便則爲良惡用是喋喋利口僕馬鮮明衣服麗都之  
自爲夸詡而于病之人了無所與抑何爲哉崑山徐子  
季重纂名臣言行錄屬予序予何敢當而季重意篤不  
獲辭季重家世通顯多藏書備當代之文獻且高尚不  
仕銳志纂述其用力于此者亦旣專且久矣其于昭代  
諸書旁及家乘傳誌凡有裨于言行者采之無所不備

累年損益乃成是書而于甲申殉難之名臣遐陬僻邑  
廣爲搜羅尤極敬慎足爲信史惜其家長貧閉戶丘園  
不獲如司馬子長之周行海內所聞傳聞或有同異然  
已卓然自成一書爲當世之金鏡不可易也季重之意  
惟欲人慎飭其言行以尙友于盛世之真儒耆舊名德  
偉人如接眉頰如覩衣冠如共寢興而嚴于屋漏如炙  
模範而對于明庭苟俯仰之無慚表裏之不玷則象山  
所謂不識一字亦足爲堂堂之人而六經廿一史俱我  
註脚諸家猶塵秕也此予與季重之所並礪于末年而  
求逮者也季重固以是書爲師表以其撰述之微言大

義爲子孫知我何敢罪則聽之此季重竊取春秋之意  
當有得之于言外者矣南昌遺民彭士望謨

明名臣言行錄序

史之爲體有編年有列傳言行錄固列傳之體也列傳善善惡惡而言行錄善善之意長若似乎恕矣然非皎潔當年一言一行足爲衣冠之準的者無自而入焉則比之列傳爲尤嚴也今徐子之爲是錄也博採兼取一善之長必錄無暇窺見至隱以朱子之嚴尚有議其范平章實內翰之不應入者徐子無乃長於知君子短於知小人乎雖然徐子之意固有在也徐子身經喪亂顧當世愚儒無知不足以滿一障瑣瑣朱墨徒供全軀保妻子之用世智限心風塵破胆田僮竈婦且窺其底裡

何況盜賊是故守尾生孝已之信於盜賊而施張儀蘇秦之詐於君父破城陷邑智窮不能自免則以亡鹵降人爲究竟遂使天綱毀紊地紐凋絕溥天相顧命懸晷刻嗟乎顧安所得事功節義之士而與之一掌江河之下乎古之君子有死天下之心而後能成天下之事有成天下之心而後有死天下之事事功節義理無二致今之君子以偷生之心行嘗試之事亦焉有不敗乎徐子是錄大畧不出於事功節義二者其間事功有大小節義有勇怯亦視其本領之濶狹有盡有不盡耳要不可謂無與于此者也以是求之顧未嘗不嚴也夫事功

必本于道德節義必原于性命離事功以言道德考亭  
終無以折永康之論賤守節而言中庸孟堅究不能逃  
蔚宗之譏三百年來堂陛之崇嚴城邑之生聚邊鄙之  
干輟至于末造清議不衰明之爲治未嘗遜於漢唐則  
明之人物其不遜于漢唐明矣其不及三代之英者君  
亢臣卑動以法制束縛其手足蓋有才而不能盡也徐  
子亦嘗尚論其故乎近時僞書流行聊舉一二如甲申  
之死難則雜以俘戮如陳純德等逆閹之難則雜以牖死如  
乾學楊嗣昌喪師誤國籲天錄頌其功勞洪承疇結怨  
秦人綏寇紀張其捷哉謫官美謚子姓私加野抄地志



織兒信筆此錄出庶幾收廓清之功矣姚江同學弟黃

宗義撰

明名臣言行錄自序

天下之治亂辨君子小人而已矣君子小人之辨義利而已矣而義利之辨在公私理欲進退難易之間未有君子用而天下亂小人用而天下治者三代以前勿論漢唐宋之得失其効已可睹矣明自高皇肇興首闢區夏正直蕩平胥天下而偕大道無論小人不敢爲卽君子不自居其名公忠體國誼固當如是也故遜國革除之際仗節死義者甚衆雖以文皇斬伐之而不能盡毋亦民彝物則之良有同然者耳降而仁宣英憲孝武六朝重熙累洽之世偉碩代興或翼贊皇猷或砥礪名節

或以理學著或以循良顯或定國是而濟時艱濟濟跼  
蹐亦云盛矣迨肅皇入繼大統大禮議興永嘉以一言  
取相其裨躬峻潔朝野肅清誠有足稱者然不能開誠  
布公報復太甚遂開黨同伐異之端則風氣漸變矣猶  
幸人心近古公道昭明有讀書明理之儒作犯顏敢諫  
之氣雖朝有巨奸邊多蠢動而九服宴如江陵受遺皇  
靈遐暢強兵富國措天下衽席者二十餘年不可謂非  
其功矣嗣後輔政者率模稜取容鮮克勝任自國本論  
起而門戶以分朝堂水火矣東林以氣節相高而攻東  
林者借調護官府以求勝精神智術盡銷沈于相傾相

軋之中一切吏治邊防民生國計俱置不問寵賂滋章風俗大壞雖以烈皇帝之憂勤而弗能救豈非氣運使然歟雖然人才之蠱壞實由心術之不正急功名多議論惡讜言喜附和世所謂君子者未必皆君子而世所謂小人者乃真小人卒至民窮盜起將驕卒情舉三百年之宗社忽喪于若輩之手此予深爲神州痛而并爲領袖諸賢惜也茲故于諸臣言行各載其實豈專取法乎哉亦寓勸懲之志俾在位者敬修其職業渙小羣爲大羣無赫赫之譽而爲可居之功則幾矣

康熙辛酉孟春崑山後學徐開任謹撰

凡例 共十七則

一是編采名臣嘉言懿行著于往牒者據舊入編不敢師心自是約以楊月湖徐東濱沈鈞玄爲準

一史以傳信無論野史家各有愛憎卽國史實錄秉筆諸公亦不無偏黨茲編別僞存真以留直道

一是編止論品行不論官爵如品行卓有可觀卽一命小吏窮鄉布衣皆在所錄

一古今鮮完人錄中諸公品節未必盡純第舉其長而畧其短亦紫陽取趙普之意也

一各名臣章奏內彈劾要津出辭未免過當然爲君國

起見終不失其正存之以徵本人一生品節

一人物止辨淄澠不爭洛蜀別戶分門貽禍宗社黨  
同伐異獲罪神明是用痛心疾首矢虛矢公盡破畛  
域讀者察之

一建文殉節諸公久鬱未伸近得南都追謚人心始  
快故不厭詳書之

一甲申殉難諸公祇據坊行初謚書之 新朝賜謚  
下邑朽儒聞見未廣俟考明補入

一隆萬以來名臣姓氏已列而言行尚有未及錄者  
無全書也當徧搜採入

一名臣言行昭昭耳目者俱已備載然尚有遺珠緣  
摭羅未徧也後人發揚先德碑記傳誌伏祈郵寄以  
俟續刊

一是編雖敘時代然節行經濟理學忠烈循良文學  
濟濟皇皇爲世所景仰者仍從類編以便觀覽

一嘉靖中葉以後百餘年來名臣項背相望未聞有  
續錄者予詳加稽考寧嚴毋濫必天下萬世清議所  
與者然後錄之非敢私意去取也

一近時編輯非愚則諛或溺於私情或懾於勢要是  
非混淆黑白貿亂茲不敢復蹈前轍

一茲際修史之時先朝舊籍雖已盡然猶幸  
悉登館閣究心史學者以是編爲一狐之腋可也敢  
曰謀野則獲哉

一節義之士 興朝首先褒旌以勵臣節如唐之卹  
堯君素明之特祠余闕福壽載在史冊萬古景行茲  
因於鼎革先後之際殉節諸公見聞所及登之錄中  
以爲激勸之助

一是編斷自前朝開國年起迄南都末造年止嗣後  
雖有孤忠大節彪炳人間者不便槩及

一近代名公志傳山川阻修頗難搜輯賴姪徙菴果



亭立齋兄弟史館構求抄錄惠我顧貲有未逮更解  
囊捐助而姪孫藝初實君道積輩共贊襄焉至若校  
讐磨對則姪孚若孫世濂甥支守默寓埰効力居多

愚谷載識

明名臣言行錄總目

卷一

魏國徐武寧王達

鄂國常忠武王遇春

曹國李武靖王文忠

衛國鄧武順王愈

信國湯襄武王和

西平侯沐昭靖王英

宋國馮武壯公勝

潁國傅武靖公友德

江國吳襄烈公良

卷二

越國胡武壯公大海

鄖國廖武閔公永安

永義侯桑忠烈公世傑

東丘郡侯花忠毅公雲

蔡國張忠毅公德勝

梁國趙武桓公德勝

虢國俞忠烈公通海

郢國馮公國用

泗國耿武壯公再成

東莞伯何恭靖公真

卷三

韓國李襄愍公善長

誠意伯劉文成公基

御史中丞章莊敏公溢

南陽郡侯葉貞肅公琛

姑熟郡公陶文憲公安

縉雲伯胡襄節公深

靜誠先生陳公遇

丹陽縣男孫忠愍公炎

卷四

學士承旨宋文憲公濂

待制王忠文公禕

附 吳忠節公雲

尚書詹文憲公同

尚書唐敬安公鐸

祭酒陶公凱

學士劉公三吾

司業劉恭介公崧

大學士吳公沈

祭酒宋文恪公訥

大學士吳公伯宗

大學士朱文恪公善

卷五

東山趙先生沆

徵士梁公寅

環谷汪先生克寬

教授胡公翰

編修蘇公伯衡

司直郎汪公仲魯

禮部侍郎曾公魯

翰林學士朱公升

長史桂敬裕公彥良

卷六

太守魏公觀

經歷熊公鼎

訓導葉忠愍公居昇

附鄭士利

太守方公克勤

州判錢公唐

知縣道公同

典史青惠烈公文勝

大理寺卿李公仕魯

卷七

侍講方文正公孝孺

修撰王文忠公叔英

左拾遺戴毅直公德彝

編修王文節公艮

編修程公濟

紀善周貞毅公是修

國子博士黃公彥清

卷八

尙書張公統

侍郎毛公泰亨

尙書陳忠烈公迪

侍郎黃文貞公觀

尙書齊節愍公泰

尙書鐵忠襄公鉉

卷九

尙書侯勤貞公泰

尙書暴剛烈公昭

布政張節愍公曷

侍郎胡介愍公子昭

侍郎卓忠貞公敬

侍郎盧貞達公迴

主事巨毅直公敬

侍郎郭公任

卷十

都御史茅忠愍公大芳

都御史陳忠節公性善

御史大夫練忠貞公

子寧

御史大夫景忠烈公清

大理少卿胡忠烈公閏

大理寺丞鄒公瑾

大理寺丞劉公瑞

大理寺卿黃節愍公

子澄

太常少卿盧節愍公

原質

太常少卿廖文節公昇

卷十一

戶科給事陳莊景公

繼之

戶科給事韓莊介公永

刑科給事黃忠獻公鉞

戶科給事中龔公泰

御史曾忠毅公鳳韶

御史魏毅直公冕

御史王貞愍公度

御史甘貞定公霖

御史高忠愍公翔

御史王忠莊公彬

御史鄭公智

御史韓公郁

卷十二

參軍高忠毅公巍

按察使王貞毅公良

副使程忠介公本立

經歷宋直愍公徵

知府姚忠惠公善

知府陳惠節公彥回

知府葉公惠仲

知縣張莊愍公彥芳

卷十三



知縣顏忠惠公伯瑋

知縣鄭惠節公恕

教授陳貞愍公思賢

教諭王貞烈公省

吏目鄭貞莊公華

主簿唐公子清

典史黃公謙

知縣向公朴

舉人劉公政

生員高公賢寧

安節先生龔詡

衛卒儲貞義公福

卷十四

長史葛果愍公誠

燕府伴讀俞公逢辰

長史程端直公通

長史石公撰

長史劉剛節公璟

長史龍忠愍公鐔

卷十五

魏國徐忠貞公輝祖

都尉梅榮定公殷

都尉耿公璿

指揮宋公瑄

指揮朱壯烈公鑑

指揮楊公松

指揮謝公貴

指揮彭公二

指揮馬公宣

都指揮瞿襄烈公能

都指揮宋壯愍公忠

都指揮崇壯愍公剛

都指揮俞公瑱

都指揮彭公聚

都指揮孫勇愍公泰

都指揮莊公得一

燕山左護衛倪公諒

都督廖公鏞

卷十六

郎中梁公田玉

中書梁公良玉

中書何公申

中書宋公和 郭公節

舟工梁公良用

道士梁公中節

何公洲 道士郭公良

玉華山樵 雪菴和尚

河西傭 川中補鍋匠

馬公羽 耶溪樵者

雲門僧

東湖樵夫

樂清樵夫

卷十七

叅議解文毅公縉

少師楊文貞公士奇

少師楊文敏公榮

少師楊文定公溥

祭酒胡公儼

卷十八

少師蹇忠定公義

少保夏忠靖公原吉

少保黃忠宣公福

尚書陳節愍公洽

附 知府劉公子輔

尚書師公達

卷十九

尚書胡忠安公湊

尚書王文端公直

左都御史顧端肅公佐

尚書魏文靖公驥

副都御史吳文恪公訥

侍郎段襄介公民

尚書王文忠公英

卷二十

英國張忠烈公輔

襄城伯李公隆

懷遠伯山襄毅公雲

新寧伯譚公廣

平江伯陳恭襄公瑄

寧陽伯陳公懋

卷二十一

按察使周公新

僉事陳公祚

侍郎戴公綸

祭酒李忠文公時勉

侍講劉忠愍公球

御史鍾忠愍公同

侍郎廖恭敏公莊

侍郎章忠毅公綸

按察使楊公瑄

子源附

卷二十二

侍郎曹文忠公鼐

尚書鄺忠肅公埜

尚書王忠簡公佐

侍郎王襄敏公永和

卷二十三

尚書于忠肅公謙

尚書王忠肅公翱

左都御史陳僖敏公鑑

尚書周文襄公忱

尚書柴公車

卷二十四

少保李文達公賢

少保高文義公穀

侍郎薛文清公瑄

知府岳文肅公正

侍郎呂文懿公原

卷二十五

尚書李襄敏公秉

侍郎葉文莊公盛

尚書王莊毅公竑

右都御史韓襄毅公雍

尚書年恭定公富

僉都楊恭惠公信民

卷二十六

定西侯蔣武勇公貴

昌平侯楊武襄公洪

定襄侯郭忠武公登

興濟伯楊忠敏公善

靖遠伯王忠毅公驥

威寧伯王襄敏公越

都督王公信

卷二十七

祭酒陳文定公敬宗

侍郎劉文介公儼

御史孫公鼎

僉事黃公潤玉

太守劉公實

太守張公寧

給事毛公弘

布政夏公寅

卷二十八

尙書耿清惠公九疇

尙書軒介肅公輓

僉都魯端毅公穆

尙書崔莊敏公恭

尙書姚文敏公夔

侍郎林恭肅公鶚



尚書趙公榮

侍郎黃文毅公孔昭

尚書陳康懿公俊

尚書黃襄敏公鎬

尚書林莊敏公聰

尚書王恭毅公槩

卷二十九

少保彭文憲公時

少保商文毅公輅

侍郎劉文安公定之

少師徐文靖公溥

卷三十

少保丘文莊公濬

少師劉文靖公健

少師李文正公東陽

少傅謝文正公遷

卷三十一

尙書項襄毅公忠

尙書余肅敏公子俊

尙書程襄毅公信

尙書馬端肅公文升

都御史朱恭簡公英

尙書原襄毅公傑

僉都御史高公明

卷三十二

太師王端毅公恕

尙書何文肅公喬新

尙書彭惠安公韶

尙書劉忠宣公大夏

都御史戴莊簡公珊

卷三十三

尙書賈公俊

尙書周文端公經

尚書張莊簡公悅

尚書耿文恪公裕

尚書倪文毅公岳

尚書黃公紱

尚書秦襄毅公紘

尚書陳簡襄公壽

少保童公軒

卷三十四

都御史鄧襄敏公廷瓚

僉都御史楊貞肅公

繼宗

侍郎孔公鏞

侍郎徐公恪

都御史朱公瑄

都御史熊莊簡公繡

尚書樊清簡公瑩

卷三十五

侍郎楊文懿公守陳

弟守吐子茂元附

尙書吳文定公寬

侍郎謝文肅公鐸

侍郎張文裕公元楨

侍郎程公敏政

侍郎儲文懿公巖

侍郎羅文肅公玘

卷三十六

尙書閔莊敏公珪

尙書韓忠定公文

都御史張簡肅公敷華

尙書楊康簡公守隨

尙書林文安公瀚

尙書屠康僖公勛

都御史陳公鎬

尙書許襄毅公進

尙書雍端惠公泰

卷三十七

徵君吳公與弼

學正曹靖修公端

布衣陳公真晟

胡文敬公居仁

兵部婁公諒

布政張公吉

副使丁公璣

布政周公瑛

布衣周公蕙

卷三十八

修撰羅文毅公倫

郎中莊文節公杲

僉事黃公仲昭

尙書章文懿公懋

吏目鄒忠介公智

布政使陳恭愍公選

祭酒蔡文莊公清

太常卿潘公府

中允景公暘

卷三十九

簡討陳文恭公獻章

給事賀恭靖公欽

御史陳恭靖公茂烈

通政張公誨

舉人李公承箕

卷四十

太守王公璉

太守况公鍾

副使曹公達

副使陶公成

副使張公昂

副使毛忠襄公吉

知州徐公珪

知縣丁公積

太守徐公九思

知縣樊孝介公玉衡

卷四十一

少傅王文恪公鏊

少傅劉文肅公忠

少師楊文忠公廷和

少師梁文康公儲

少師楊文襄公一清

少傅蔣文定公冕

少保毛文簡公紀

卷四十二

尚書傅文毅公珪

尚書王文莊公鴻儒

尚書邵文莊公寶

尚書孫清簡公需  
副都御史曹公鳳

卷四十三

總兵劉公寧

總兵彭公清

都指揮朱公驥

錦衣指揮牟公斌

咸寧侯仇武襄公鉞

卷四十四

都御史孫忠烈公燧

副使許忠節公達

附

參議黃公宏  
主事馬公思聰

太守宋公以方

大理丞黃忠裕公鞏

工部何忠節公遵

兵部陸忠定公震

御史蔣忠烈公欽

指揮張忠壯公英



卷四十五

少保石文介公瑤

少師費文憲公宏

少師張文忠公孚敬

官保張文毅公治

少師徐文貞公階

卷四十六

尙書喬莊簡公宇

尙書王恭襄公瓊

都御史王公雲鳳

尙書林貞肅公俊

尙書彭襄毅公澤

尙書孫榮僖公交

尙書毛文簡公澄

尙書陶恭介公琰

尙書李康和公克嗣

尙書吳清惠公廷舉

卷四十七

尙書秦端敏公金

尙書趙莊靖公璜

尙書蔣恭靖公瑤

尙書方簡肅公良永

尙書劉清惠公麟

尙書朱恭靖公希周

侍郎周公廣

侍郎陶莊敏公諧

侍郎劉端毅公玉

布政使楊公子器

卷四十八

尙書廖僖靖公紀

尙書李康惠公承勛

尙書胡端敏公世寧

尙書伍忠襄公文定

總督姚公鎮

尙書王肅敏公廷相

尚書熊恭肅公決

侍郎潘公希曾

卷四十九

尚書楊文恪公廉

尚書汪文莊公俊

侍郎何文簡公孟春

太僕卿邵康僖公銳

祭酒魯文恪公鐸

侍郎何文定公塘

侍郎崔文敏公銑

尚書韓恭簡公邦奇

侍郎馬文簡公汝驥

光祿馬忠憲公理

考功薛公蕙

翰林待詔文公徵明

卷五十

新建伯王文成公守仁

卷五十一

尚書羅文莊公欽順

太常卿魏恭簡公校

尚書張文定公邦奇

侍郎呂文簡公枬

通政余公本

侍郎余公祐

卷五十二

尚書梁端肅公材

尚書唐文襄公龍

尚書周恭肅公用

侍郎歐陽恭簡公鐸

侍郎寇公天敘

副都御史朱端肅公裳

總督應公櫟

尚書鄭端簡公曉

侍郎唐公胄

都御史馮公卿

卷五十三

尙書翁襄毅公萬達

尙書毛襄懋公伯溫

尙書劉莊襄公天和

尙書李襄敏公遂

巡撫趙公時春

巡撫唐襄文公順之

尙書張襄惠公岳

卷五十四

祭酒鄒文莊公守益

修撰舒文節公芬

贊善羅文恭公洪先

尙書歐陽文莊公德

侍郎王文定公道

侍郎程文恭公文德

都諫戚公賢

主事柯公維騏

卷五十五

郎中王公幾

郎中錢公德洪

布衣王公艮

子璧附

郎中徐公愛

太守季公本

主事黃公弘綱

郎中林公春

叅政羅公汝芳

太常王公時槐

叅政蔣公信

卷五十六

太僕卿楊忠節公最

御史楊忠介公爵

主事周忠愍公天佐

員外郎楊忠愍公繼盛

經歷沈忠愍公鍊

給事陸公聚

太常少卿周恭節公怡

御史馮公恩

編修楊公名

通政沈公束

給事楊忠恪公允繩

主事唐公樞

卷五十七

尚書王恭簡公鈞

左都御史屠簡肅公儋

左都御史周簡肅公延

尚書方簡肅公鉞

侍郎曾恭肅公鈞

刑侍吳端簡公梯

都御史李莊介公中

尚書王襄毅公邦瑞

侍郎蔡公天佑

都御史王公大用

卷五十八

尚書胡莊肅公松

尚書吳文端公山

尚書王莊簡公學夔

尚書王公用賓

總督石公永

侍郎靳公學顏

侍郎冀端恪公鍊

卷五十九

總督曾襄愍公鉞

副都御史孫清愍公

繼曾

侍郎楊恪愍公守謙

巡撫朱公統

商端愍公大節

尚書張襄愍公經

少保胡襄愍公宗憲



卷六十

鎮遠侯顧公仕隆

子襄附

都督王公佐

都督楊公宏

總兵楊公銳

都督馬公永

太保梁武壯公震

太保周武襄公尚文

總兵祝公雄

都督馬公芳

總兵楊公照

卷六十一

都督沈公希儀

總兵劉公璽

都督萬公表

都督石公邦憲

卷六十二

都督劉公顯

都督俞武襄公大猷

少保戚武莊公繼光

卷六十三

少師高文襄公拱

少保趙文肅公貞吉

太師張文忠公居正

卷六十四

左都御史葛端肅公

守禮

尙書毛端簡公愷

尙書吳介肅公嶽

侍郎鄭恭介公世威

尙書曹公邦輔

尙書譚莊懿公太初

尙書劉公體乾

卷六十五

尚書楊襄毅公博

尚書譚襄敏公綸

尚書王襄毅公崇古

副都御史龐惠敏公鵬

尚書

尚書潘公季馴

尚書張襄惠公佳胤

卷六十六

尚書陸文定公樹聲

尚書萬文恭公士和

侍郎瞿文懿公景淳

尚書何端恪公維栢

尚書孫文恭公應鼐

侍郎殷公邁

卷六十七

左都御史李敏肅公

達世

尚書丘簡肅公樞

都御史海忠介公瑞

尚書袁安節公洪愈

尚書劉莊介公一儒

尚書郭襄靖公應聘

侍郎陳莊靖公瓚

卷六十八

尚書畢恭介公鏘

尚書宋莊敏公纁

尚書王恭肅公遴

尚書嚴恭肅公清

尚書陸莊簡公光祖

尚書孫清簡公鑣

尚書陳恭介公有年

尚書蔡恭靖公國珍

卷六十九

左都御史辛肅敏公修

自修

尚書曾恭端公同亨

尚書張公孟男

左都御史衷簡肅公

貞吉

尚書趙端簡公參魯

右都御史王恭簡公樵

侍郎王恭介公汝訓

侍郎朱恭恪公鴻謨

侍郎呂公坤

侍郎丘公度

### 卷七十

侍郎許恭簡公孚遠

侍郎楊文懿公起元

侍郎鄧文潔公以讚

諭德張文恭公元忭

郎中孟公化鯉

尚寶孟清憲公秋

叅政李公渭

通政周公汝登

### 卷七十一

左都御史溫恭毅公純 侍郎楊端潔公時喬  
尚書孫恭介公丕揚 都御史孫莊毅公瑋  
侍郎郭恭定公惟賢 侍郎魏介肅公允貞  
尚書丁清惠公賓

卷七十二

大學士馬文莊公自強 大學士王文端公家屏  
大學士沈文端公鯉 大學士于文定公慎行  
大學士李文節公廷機 少師葉文忠公向高

卷七十三

侍郎趙文毅公用賢 少詹吳公中行

侍郎沈公思孝

巡撫艾公穆

祭酒陶文簡公望齡

卷七十四

尚書黃文簡公鳳翔

尚書余文恪公繼登

侍郎郭文毅公正域

尚書馮文敏公琦

侍郎劉文簡公日寧  
修撰焦文端公茲

尚書王文肅公圖

卷七十五

尚書李襄毅公化龍

尚書涂恭襄公宗濬

尚書魏恭襄公學曾

侍郎梅公國楨

卷七十六

御史劉毅思公臺

大理寺丞傅公應楨

大理寺雒公子仁

御史萬公國欽

給諫史公孟麟

都諫張公棟

光祿寺丞朱公維京

禮部于公孔兼

禮部張公納陞

副使顏公鯨

卷七十七

吏部顧端文公憲成

光祿卿劉公元珍

光祿安公希范

侍郎葉公茂才

尚寶丁公元薦

御史錢公一本

太僕卿吳公默



卷七十八

少傅劉文端公一燦

少師韓公燦

少師孫文忠公承宗

卷七十九

尙書周公嘉謨

尙書張公問達

尙書趙忠毅公南星

尙書汪公應蛟

尙書王莊毅公紀

左都御史曹公于汴

尙書王莊簡公佐

尙書鍾公羽正

卷八十

都御史鄒忠介公元標

都御史高忠憲公攀龍

尙書馮恭定公從吾

尙書孫文介公慎行

卷八十一

都御史楊忠烈公漣

僉都左忠毅公光斗

都諫魏忠節公大中

太僕少卿周忠毅公

朝瑞

御史袁忠愍公化中

刑部顧裕愍公大章

卷八十二

吏部周忠介公順昌

諭德繆文貞公昌期

巡撫周清惠公起元

御史周忠毅公宗建

御史李忠毅公應昇

御史黃忠端公尊素

工部萬忠貞公燝

卷八十三

尙書陳公道亨

侍郎蕭公近高

尙書余公懋衡

總督何公士晉

太僕滿公朝薦

巡撫方公震孺

卷八十四

經畧熊襄愍公廷弼

少師朱公燮元

卷八十五

御史張忠烈公銓

僉事潘節愍公宗顏

參政高忠節公邦佐

兵部何忠愍公廷魁

知縣張烈愍公振德

巡撫王公三善

卷八十六

總兵杜武壯公松

都督劉公綌

總兵滿武愍公桂

總兵趙公率教

都督張莊節公可大

卷八十七

大學士文文肅公震孟

大學士賀文忠公逢聖

大學士蔣公德璟

大學士范文貞公景文

大學士吳公牲

卷八十八

尚書李公騰芳

尚書鄭公三俊

侍郎鄭公維璉

侍郎李公繼貞

都御史張清惠公瑋

少詹姚文毅公希孟

侍郎羅公喻義

給諫傅公朝佑

巡撫梅公之煥

御史成公勇

副使湯公開遠

吏部華公允誠

職方劉公永澄

禮部張公采

卷八十九

太常少卿鹿忠節公

繼善

尚書呂忠節公維祺

尚書盧忠烈公象昇

尚書孫公傳庭

尚書傅公宗龍

巡撫王公漢

卷九十

巡撫蔡忠襄公懋德

知州王忠愍公燾

巡撫衛忠毅公景瑗

巡撫朱忠莊公之馮

巡撫馮公師孔

知縣吳公從義

御史劉忠毅公熙祚

推官蔡忠烈公道憲

知州徐公世淳

知縣蕭公漢

知縣房公景春

知縣劉公振之

御史金公毓峒

布政夏公萬亨

卷九十一

左都御史李忠文公

邦華

尚書倪文正公元璐

侍郎王忠端公家彥

侍郎孟忠貞公兆祥

子節愍公章明附

副都御史施忠介公

邦曜

大理寺卿凌忠清公

義渠

太常寺卿吳忠節公

麟徵

卷九十二

諭德劉文正公理順

侍講馬文忠公世奇

侍讀周文節公鳳翔

簡討汪文烈公偉

都諫吳忠節公甘來

御史陳恭愍公良謨

御史王忠烈公章

太僕寺丞申節愍公

胤佳

兵部陳忠毅公德

兵部金忠節公鉉

吏部許忠節公直

諸生許潛忠公琰

布衣湯公文瓊

卷九十三

都督周忠武公遇吉

惠安伯張忠武公慶臻

都尉鞏貞敏公永固

新樂侯劉忠壯公文炳

都督劉忠果公文耀

太監王忠愍公承恩

靖南侯黃忠烈公得功

卷九十四

閣部史忠清公可法

大學士高文忠公弘圖

大學士姜公曰廣

尚書徐忠襄公石麒

巡撫祁忠敏公彪佳

總督袁公繼咸



侍郎左公懋第

主事黃忠節公端伯

通政侯公峒曾

進士黃公淳耀

卷九十五

都御史劉忠正公宗周

少保黃文烈公道周

詩讀徐公汧

明名臣言行錄卷第一

崑山後學徐開任季重編輯

中山徐武寧王達

直隸鳳陽人累功封魏國公卒年五十四贈中山王謚武寧配享廟庭

王家世農業年二十二值元末從上起兵授鎮撫周旋二年上視其動靜語默悉超羣英于是位諸將上凡有征伐皆以代行乙未以身脫上厄從渡江下采石定太平乃命王爲將東取溧水溧陽王至守者不戰民庶咸安

丙申從征入建業命爲大將浮江而下破京口時張士誠據平江誘我降將陳保二發舟師自常州來逼王禦之敗其軍於龍潭追至常州請益師得三萬人分軍薄城士誠弟士德以卒數萬來援擒之大破其軍進圍常州未下賜書讓之各奪一官復益兵二萬王與常將軍夾攻之常州下

丁酉八月取馬駙沙戊戌十月克宜興十一月上親征婺州命守建康己亥四月池州捷聞陞奉國上將軍同知密院六月上自浙還遣西征皖城旣旋自無爲登陸至浮山砦擊敗趙普勝部將胡總督因克潛山

庚子五月陳友諒寇池州設伏擒其衆三千人常將軍曰此勍敵也不殺將爲害王不可以狀聞上報使者天下戰方始多殺何以勸後而常將軍先以夜坑過半上不懌悉縱餘者王自是專爲大將矣

陳友諒悉衆圍洪都上自將赴之召王自廬州來會與友諒遇于鄱陽湖王先諸將敗其前茅獲一巨舟而還時友諒兵盛帆檣後先不見際上命王還守建康王至申約束嚴斥堠鎮靜若不有外兵者而上則已破誅友諒還矣

克武昌僞平章姜珪詣王乞降曰當死者珪耳百姓無

明名臣言行錄卷一

辜王善其言下令禁戢侵擾江漢列郡聞之望風歸附

丙午征吳麇戰皂林生擒張兵六萬直抵蘇州築長圍  
架木塔與城中浮屠等築臺三層下瞰城中上設火  
筒發連中又設襄陽礮礮風着人皆死城中震恐遣  
人詣建康請命上曰將軍天性忠義沈毅有謀端重  
有武顧軍中稟命此賢臣事君之道吾甚嘉將軍然  
將在外君不御自後軍中緩急便宜行吾不中制  
時平江城堅難猝拔莫天祐爲士誠守無錫更相唇齒  
其將楊茂善泗數從水中爲偵王獲茂釋而厚賞之

使往來爲間因盡得其虛實知城中困乏乃親督兵  
攻破之九月縛士誠送建康得兵二十五萬論功召  
見于戟門封信國公賜賚優厚降褒

王下姑蘇與遇春約曰師入吾營而左公營而右將士  
人予一牌曰掠民財者死毀民居者死離營二十里  
者死師入而民不知有兵食寢互市如故竊相咎曰  
奈何久抗王師

丁未十月命爲征鹵大將軍帥諸將取中原抵齊魯所  
過輯兵守禦規畫芻糧兵不民擾所得將士帥而徂  
征洪武元年二月克樂安三月引兵上黃河下洛陽

長驅峭函直抵潼關五月車駕幸汴梁詣行在謁見  
七月渡河取衛輝彰德廣平趙州由臨清上德州取  
長蘆至直沽獲其海舟作浮橋以濟師又令副將常  
遇春等帥舟師並河東西以進令步騎遵陸而前元  
丞相也速等望風遁去克河西通州元主及其后妃  
太子北走八月庚午遂入元都戮其監國淮王帖木  
兒不花及左丞相慶童平章送兒必失朴賽因不花  
右丞張康伯御史中丞滿川等鹵諸王子六人封府  
庫圖籍寶物以兵千人守宮殿門使宦寺監護其宮  
人妃主餽廩無缺人民安堵市肆不移人謂曹彬下

江南伯顏入臨安不是過也遣人至京獻捷承詔置燕山等六衛守北平

十二月進圖太原王謂諸將曰聞擴廓帖木兒出太原道保安經居庸攻北平孫都督總六衛兵足以鎮禦我乘其不備直抵太原傾其巢穴彼進不得戰退無所依此所謂批亢擣虛也若彼還軍救太原則已爲我牽制進退失利必成擒矣諸將皆曰善引兵徑進擴廓帖木兒至保安聞之果還兵鋒甚銳王遣精兵夜襲其營擴廓帖木兒聞變倉卒急踰帳乘驛馬遁去遂克太原得兵四萬人馬四萬匹



二年取鹿臺河中西安鳳翔會諸將議兵所向皆曰張  
良臣才不如李思齊慶陽易于臨洮先取慶陽從隴  
西攻臨洮便王曰不然慶陽城險兵悍未易猝拔臨  
洮西通蕃夷北界河湟人足以備戰鬪土足以供軍  
儲今以大軍蹙之思齊不西走塞束手就降矣臨洮  
旣克旁郡自下諸將曰善進至鞏昌遣副將馮宗異  
攻臨洮思齊不戰降良臣懼亦以慶陽降王西征平  
涼良臣復叛王趨至涇原遣將率精騎抄其出入絕  
聲援別將圍其城良臣開門挑戰王麾兵擊敗之其  
下開門納我兵王入城良臣投井引出斬之陝西悉

平十二月上大賞定中原諸將以公克敵制勝振揚  
國威撫綏軍民得大將體進封魏國公賜誥命鐵券  
復賜第京師表其里曰大功坊五年復命守邊歲鎮  
北平

定西之役擴廓發精兵千人由間道從東山下潛劫東  
南壘舉軍皆驚擾左丞胡德濟倉卒不知所措王自  
率帳前卒擊之敵始退德濟故功臣越公大海子也  
王械之送京師上釋之而以書諭達謂將軍自効衛  
青不斬蘇建獨不見穰苴之待莊賈乎將軍誅之則  
已不誅吾且念其信州諸暨功不得不曲赦以伸吾

不忍自今而後將軍毋事姑息

十七年太陰數犯上將上心惡之召王還嘗留王夜飲命左右強之使醉旣醉則命內侍送至舊內宿焉中夜酒醒大驚卽起趨丹陛下北面四拜三叩頭而出上益悅

王南征陳友定至蘇州間門見一女子絕色卽以重幣備結曰且不卽納當爲後期及師旋悔之使人道意令其他適女父堅求以女侍巾櫛固拒不從更遺數十金以助其貲且謝負約之罪王之厚德如此

王言簡慮精當提兵時令出不一諸將敬若神明所至

之處攻城不屠與人不戲凡受命而出及成功而還  
每不自矜至于封姑蘇之府庫置元宮之美人財寶  
無所取婦女無所愛可謂忠志無疵昭明日月者也  
胡惟庸爲左丞相儉而貪以公元勲貴重因欲納好公  
惡之反賂公閹者福壽使爲間以圖公福壽發之公  
亦不問惟時時爲上言惟庸不可過委過委必敗後  
惟庸反上以是益重公十八年春二月薨

開平常忠武王遇春

直隸懷遠人累功封鄂國公卒年四十三追贈開平王諡忠武配享廟庭

王賦性剛毅膂力絕人年二十二爲盜魁劉聚所得拔爲什夫長王察聚所爲終不能有成乙未聞上駐兵和州領衆數十人棄聚來歸居兩月自請爲先鋒上曰爾自有主吾安得留之王涕泣堅請上曰且從渡江俟克太平事我未晚也六月上抵采石磯元兵陣于磯上其下巨舟如織相距三丈餘王乘飛舸至上麾之前卽捨舟挺戈先登衆皆披靡遂拔采石取太

平授管軍總管

丙申春元中丞蠻子海牙復以兵屯采石南北不通上  
慮將士渡江而其父母妻孥尚留淮西勢莫可致命  
王統兵攻之王至設疑兵以分其勢而以正兵與之  
合及戰別出奇兵擣敗之悉俘其精銳自是元兵扼  
江之勢衰矣

庚子夏五月從徐公拔安慶趙普勝之水寨時陳友諒  
陽言拔安慶王策其必攻池州以羸弱守城伏銳卒  
于九華山明日友諒兵果來攻城伏兵四合俘殺萬  
餘人

辛丑春張士誠寇長興上命王援之俘殺五千餘人壬寅春羅友賢據池州神山寨通吳杭歙震動王討斬之餘黨悉平

上所任將帥最著者三人曰平章邵榮右丞徐達與王榮最爲宿舊且善戰旣貴而驕忽有異謀事發就縛上欲宥榮死以慰勞臣衆唯唯王直前曰人臣而以反名寧可宥臣誼不與之共生上乃飲榮酒流涕而僇之以是心益愛重王

癸卯春張士誠遣兵圍劉福通于安豐王從上擊之將戰王突入其陣三戰三勝敵兵大敗而去遂同徐公

圍廬州凡三月城將下適陳友諒攻南昌王解圍而還

秋七月上率諸將援武昌八月遇友諒于彭蠡湖之康郎山王與之聯舟大戰呼聲動天地無不一當百縱火焚僞平章舟風急火熾十里之間湖水盡赤敵將張定邊素號梟猛奮前迎戰王射之定邊中矢走友諒乃退保鞋山諸將以友諒兵尚強請縱其去王獨不言上悟命以舟扼上流王應之諸將乃遡流而上舟蔽江面控湖口者旬有五日友諒軍食乏出江求戰王遣火舟火筏禦之敵兵奔潰追北數十里與之



酣戰自辰至未不解上所乘舟及王舟皆膠於沙王  
旣脫御舟而已舟被圍復力戰而脫於是友諒中流  
矢死士卒十萬皆降未幾其臣立友諒之子理于武  
昌冬十月王帥師討之四面合圍甲辰春二月理銜  
璧出降荆湖悉平陞中書平章政事

丙午秋八月諸將攻浙西師次太湖僞萬戶尹義等逆  
戰王擒之直趨湖州之毘山與敵兵水陸鏖戰敵兵  
大潰遂抵城下塞其四門晝夜環攻之僞丞相張士  
信悉發境中兵爲援屯於舊館出我師之背王統奇  
兵繇大全港入結營東阡復出敵背且填壅溝港絕

其歸路士誠出親兵拒關王一鼓勝之士誠復遣其將徐義統赤龍船親來援王復擊敗于烏鎮冬十月舊館降得兵六萬湖州亦下遂進圍平江丁未圍之益急士誠收合餘燼猶背城百戰降其將士且盡秋九月始克之縛士誠來獻籍其兵二十有五萬授平章軍國重事封鄂國公

冬十月拜征鹵副將軍同徐公奉命北伐洪武元年王與徐公下山東諸郡遂攻汴梁守臣李景昌遁進攻河南敵兵五萬屯于洛水之北將出迎戰王布陣旣定單騎執弓矢衝入其隊敵發二十騎攢槊刺王王

一箭中其前鋒大呼殺入悉獲其衆而河南諸城先後皆平

秋七月徐公與王渡大河河北諸郡又平八月三日燕都不戰而克元君北奔十二月師次太原其守將擴廓帖木兒帥衆來禦其鋒銳甚王與徐公謀曰我騎兵雖集而步卒未至何以能戰莫若遣精騎夜劫其營其衆可亂主將可縛也徐公從之擴廓帖木兒果中傷而遁

二年進攻大同河東平遂西入秦張良弼遁李思齊迎降奉元鳳翔鞏昌臨洮又平夏五月元將也速兵侵

明名臣言行錄卷一

通州王以所部軍東還拒之遂擣永平過惠州至大寧也速遁破開平元君北奔追至北河俘其宗王三人及平章鼎住等凡得軍士萬人車萬輛馬三千牛五萬全師還燕次柳河川得疾而薨贈開平王太廟及功臣廟位皆第二子茂襲封鄭國公

王謙慎不矜有功無過運籌決勝之方不學而能其從大將軍征伐謹聽約束及其自將卽能節制將校所向克捷由其志識明而才力雄故施之各得其宜也其在上前或時有直諫無不嘉納

岐陽李武靖王文忠

字思本泗州盱眙人累功封曹國公卒年四十六  
贈岐陽王謚武靖配享廟庭

王父貞尚曹國長公主生王甫十二而公主薨時江淮  
盜起父貞携走亂軍中幾不能存聞上駐兵和陽始  
來見焉上見甥喜且泣賜姓名朱文忠延師誨之一  
日取所業示幕僚曰是亦可矣當于馬上習之

丁酉以舍人統兵援池州奮擊破陳友諒之卒尋帥所  
部取青陽石埭太平旌德皆下之

戊戌二月敗元判院阿魯灰于萬年街遂破苗僚于於

潛昌化獲其婦女輜重甚衆王恐士卒驕莫肯鬪因  
激衆怒盡焚其輜重曰患戰不力耳何患不富貴遂  
前襲破洪元帥營會鄧愈胡大海兵取嚴州授帳前  
左副都指揮守之張士誠遣其徒率苗獠水陸奄至  
王敗其衆取俘馘載巨筏中乘流而下賊遁去取浦  
江禁焚掠示恩信民大悅進克諸暨

壬寅進浙江行省中丞苗將蔣英劉震反金華賊殺其  
帥胡大海王聞亂率兵馳赴賊委城遁

癸卯諸全守將謝再興叛挾張士誠寇東陽王馳救復  
破之再興走王以反側郡處兩叛間又與強鹵接壤

而練兵繕甲屹不可動

乙巳士誠遣僞司徒李伯昇率兵號二十萬寇新城王救之令去城十里而軍守將胡德濟謂賊勢盛盍少避之以俟大軍王曰以衆則我非彼敵以謀則彼非我敵吾未戰而退則賊勢益張莫若與戰死中求生正在今日遂下令曰彼衆而驕我少而銳以銳當驕可一戰擒也賊擒輜重皆汝等有明日合戰王橫槊引數十騎乘高馳下直出陣後衝其中堅格殺數人出入陳中所向皆靡督衆乘之敵遂大潰城中將士亦鼓譟而出斬首數萬級擒將校七百餘人委棄鎧

仗輜重彌亘數十里伯昇僅以身死

丙午師進克桐廬新城富陽至餘杭叛將謝再興之五子降丁未杭帥潘原明使其員外方夔納款王詰之曰師未至而遽款得無爲緩師計乎夔曰王師所過秋毫無犯杭之吏民鼓舞而慶有主其何敢緩王引入臥內款接因命條畫入城次第遣歸原明封府庫籍軍餉執叛將蔣英劉震出降王宿城上令曰敢有擅入民居者斬有一卒借民釜立磔以徇中外按堵如故卽軍中加浙江行中書省平章政事復李姓

洪武元年平閩中叛寇還爲偏將軍從常將軍北征由



遵化渡鹿兒嶺進薄上都克之走元主俘獲萬計俄  
常將軍卒詔代將移兵陝西與大將軍合攻慶陽師  
次太原慶陽則已平矣而鹵攻大同甚急因諭衆曰  
吾與若等受命而來闔外之事吾得而專之敢言不  
援大同者斬遂出鴈門次馬邑敗其邏騎數千擒劉  
平章進次白陽門斬四大王時天雨雪王疑有伏引  
數騎入山覘之前軍去鹵五十里而營復進五里阻  
水自固鹵果夜悉銳來攻不可動質明望見鹵益大  
至乃以兩營委鹵俾死戰久之度其饑疲選精兵爲  
左右翼奮擊大破之生擒列脫伯俘斬及降者萬餘

人窮追至莽哥蒼而還論功賜金幣當大將軍之半  
三年正月授征鹵左副將軍總兵北伐出野狐嶺降其  
守將進師察罕惱兒擒其平章祝貞夏五月克應昌  
獲元孫買的里八剌及后妃宮人諸王達官宋元璽  
金寶玉冊以歸元太子僅脫身走追之不及而還進  
攻虹螺山擁兵自固者皆請降捷聞上大悅王上平  
沙漠表是年大封功臣封曹國公同知軍國事食祿  
三千石與世券

四年西蜀平命王率兵鎮撫五年春同中山王復征迤  
北王總東道兵五月取和林鹵遁去王曰兵貴神速

千里襲人難多負重乃留東平侯韓政守輜重于驢  
駒河令士卒持二十日糧兼程至朔海南來益衆王  
據險爲營示弱鹵疑有伏遁去軍還失故道乏水多  
渴死王患之忽所乘馬足跑地泉隨湧出三軍賴以  
濟六年冬出朔州擒元太尉伯顏不花七年春總兵  
北伐駐代遣將分道出捕鹵擒其平章國公攻大寧  
高州大石崖斬其宗王朶朶失理至豐州追斬魯王  
皆鹵子女人畜歸由是邊境肅然矣

十六年兼領國子監事王好文門多賓客嘗以客所言  
陳上上怒日本謂與丞相胡惟庸通欲討之文忠諫

又諫宦者太盛非天子不近刑人之義上大怒曰此  
儒生家言何從出爾口使人盡殺其客王出歸見館  
客橫屍牖下病悸不治上幸其第撫之十七年三月  
薨子景隆襲爵誥詞中有云朕姊子李文忠列之羣  
將位以公爵非智非謙幾累社稷身不免而自終爾  
慎鑒前失永服朕訓增枝前軍左都督方英中都正  
留守

王器量沉閎人莫測其際臨陳蹈厲奮發遇大敵膽氣  
益壯故戰無不勝及釋兵家居恂恂若儒生嘗師金  
華范祖幹胡翰講明性理之學出爲詩詞皆偉壯可

觀至音樂華靡事泊如也

王行師未嘗妄殺其馭部曲嚴而有恩百戶陳恭戰死其子從母嫁陳乙乙犯法吏議籍其孥王曰陳非陳妻子固陳子也奈何沒入奏出之大同之提執其名將脫列伯以至王釋之延坐共飯其故官在俘籍者隨才錄用不至失所浦江鄭氏聚族而居者十世元末兵興舉宗避之山谷間王下令召還戢士卒不得入其里門毀傷其室廬

寧河鄧武順王愈

直隸虹縣人累功封衛國公卒年四十一贈寧河王諡武順配享廟庭

幼有大志智勇過人父順興與兄隆聚兵臨濠相繼卒衆推事王年十六每戰必挺身破敵乙未上駐師滁陽王率所部來歸充管軍總管從渡江克采石取太平元帥舟師來寇上親督兵禦之王與徐將軍以奇兵擒陳也先

丙申從定金陵破鎮江陞元帥守廣德丁酉移戍宣州取徽州浙江楊苗率衆十餘萬來攻王與越國公胡

明倫彙編 家範典 卷一百一十五  
大海分門出戰大敗其衆戊戌正月克婺源三月取  
嚴州遷同僉樞密院事己亥領兵畧浙江臨安大破  
張寇

庚子鄱陽院判于光右丞余椿擊走僞漢部將辛同知  
等饒州來附王移鎮之饒濱彭蠡湖接漢界漢數遣  
舟師攻城王輒出戰殲其衆

辛丑除江南行省叅政兼僉院總制各翼軍馬王益布  
上威德撫納降附右丞胡宏等皆自拔來歸八月以  
兵襲浮梁轉戰樂平敗蕭總管之衆擒萬戶彭壽等  
諸屬邑皆下進圖洪都駐兵臨川之平塘聞州人熊

鼎有謀畧延見與論事上遣降將吳宏取撫州撫帥  
鄧克明欲拒宏而畏王兵強遣人詐獻地以緩我王  
用鼎計卷甲夜趨比旦入城克明單騎遁自度不免  
以分省印來降遂定撫州於是上進兵取洪都降其  
丞相胡廷瑞平章祝宗同僉康泰等召王以步兵來  
會授江西行省叅政鎮之而命宗泰仍故官以所部  
從宗泰初不欲降迫廷瑞意怏怏懷二心又以王秩  
卑不欲居其下廷瑞知之密言狀上命二人部兵赴  
大將軍攻武昌舟次女兒港叛還夜砍新城門入王  
倉卒以數十騎且戰且走從騎被殺殆盡窘甚連跨



三馬輒踣幾不得免最後得養子馬乃脫奪撫州門  
出自歸于上上弗罪也大將軍聞變還兵復洪都走  
祝宗執康泰于是大都督文正開府洪都王副之明  
年陳友諒領國來圍號五十萬治戰艦高與城等文  
正堅守王分撫州門最衝力戰三月餘晝夜不解甲  
上來援大破其兵射友諒殺之圍始解論功與克戰  
等尋破平鄧青等二萬人于永豐從開平王蕩臨江  
諸山寨圍贛州下之南安南雄韶州諸路悉降進右  
丞加湖廣行省平章時年二十八兵興諸大將蚤貴  
無有如王與李岐陽者

移鎮襄陽西抵巴蜀北控河洛燧火相望新附之民未  
有定志上賜書曰汝謹法度施惠愛無罪者勿妄殺  
有罪者宜詳審古良將以仁義爲先勇畧次之汝能  
勉焉我無西顧之憂矣王奉諭撫綏之遐邇悅服

吳元年十月擢拜御史大夫洪武建元命大將軍經畧  
中原以王爲征戎將軍進兵取江淮未附州郡三月  
取唐州南陽生禽蔡國公史克新等遂取隨州守將  
左丞王誠降金商均房地悉平

三年命爲征鹵左副將軍同大將軍出隴右大敗王保  
保於定西土番烏思藏等部來歸者甚衆十二月封

明倫彙編 家範典 卷一百一十五  
衛國公食祿三千石賜鐵券世襲

五年以征南將軍討平澧州等處溪洞蠻獠九年土番  
諸部爲梗劫剽烏思藏貢使輜重王以征西將軍率  
沐都督等往討之分兵深入覆其巢窟追至崑崙山  
斬首捕鹵數萬獲馬牛羊二十餘萬捷聞上悅召還  
至壽春薨年四十一上哭之慟親臨奠視葬地歎曰  
愈事朕二十二年歷鎮八州有功無過命朱夢炎爲  
製神道碑追封寧河王諡武順

王沈毅詳敏事上最恭順有所委不憚危苦功成不矜  
又能禮賢下士

寬惠愛人八州之民至今猶懷其德  
不獨將畧之雄兼有君子之行

東甌湯襄武王和

字鼎臣直隸鳳陽人累功封信國公卒年七十贈  
東甌王諡襄武配享廟庭

幼孤卓越有奇志嘗從羣兒嬉輒勤習騎射及長身長  
七尺侖儻饒智畧壬辰率壯士從滁陽王跳蕩善戰  
從討九灣再破定遠時高皇以王壻寄肺腑請于王  
與和共事下和州諸將皆帝等莫肯爲下而王長  
帝三歲獨謹執部曲禮帝甚悅陳也先來寇王拒却  
之

乙未從渡江下采石定太平也先復來寇王擊其水軍

矢中左臂不爲撓與中山寧河二王自東門出甲轉戰至城北大破擒也先以獻分兵取溧水句容

丙申從定建業與中山王取鎮江進統兵元帥畧定金壇覆窩莊戍轉同僉樞密院事丁酉克常州爲其守帥與張士誠境接王頗好飲嘗請事于上不允醉而有怨言曰吾鎮常州如坐屋脊左右顧惟所便誰能難也上聞隱之王醒亦媿悔悉力拒士誠再破其軍又逐莫天祐擄其妻子拜中書左丞甲辰士誠弟士信圍長興會常將軍兵合戰士信大敗遷中書平章乙巳擊斬江西劇盜姚大膽取永新還守常州

士誠旣縛論功賜帛上卽大位建御史臺爲左御史大夫立東宮爲太子諭德

時方谷珍據溫台慶元三郡未下王督諸軍征之谷珍匿海島王遣人持書諭降谷珍乘勝下福州洪武元年畧定閩中諸郡擄陳友定海上宴然旣而扈從駕幸汴梁與宋國公馮勝取懷慶澤潞晉絳二年同中山王拔河中入潼關趨鳳翔越六盤山關隴皆平明年復從中山王大破元丞相擴廓于定西遂定寧夏追鹵于察罕腦兒獲其將虎陳定東勝大同宣府九月還京師封中山侯祿千五百石始露其守常州時

明名臣言行錄卷一

語王頰首謝過

明年爲征西將軍與副將軍廖永忠等以舟師自夔陵  
攻夏扼險不能進永忠趨之王未決而征鹵副將軍  
穎川侯友德自秦隴深入取漢中永忠乃決計先入  
破其扼險之師長驅抵重慶王始繼之夏主明昇以  
重慶降友德亦定成都蜀平上推功友德永忠受上  
賞責王逗撓姑予彩帛八王頓首謝罪又明年以偏  
將軍從中山王北討分道擊賊敗于斷頭山歸命往  
中都同李韓公建宮闕尋薨通州外郭徙鎮彰德上  
以王用兵數失利不任將而堅忍多智數又能與李

太師抗故特委以綜理之任且念爲里中長者十年  
竟封爲信國公歲祿三千石與誥券

十四年從中山王北伐覆灰山營獲其平章刺里哥樞  
密副使九通又明年巡四川永寧之塘濠訓練士馬  
十八年五開山獠亂王以兵討之薨其穴鹵斬四萬  
餘時天下無事上不欲諸大將屢典兵而王從容爲  
上言臣老願得歸故鄉待骸骨上悅賜寶鈔治第鳳  
陽尋悉治功臣第旣而倭盜海邊上患之有指揮方  
鳴謙者故谷珍從子上以其習海事問焉鳴謙曰倭  
海上來則海上備之爾能量地遠近置衛所陸聚兵



木具戰船砦壘錯落倭無所從入入亦無所得若縱之赴岸魚肉吾民矣上喜則曰于何籍軍對曰兵興以來軍強民弱民樂爲軍若四民籍一民當響應時諸大將多物故上知王智慮未衰強起之曰卿雖老爲朕一行因請與鳴謙偕至台以其客王文啓見因爲王圖上要害城戍處奏聞一如所請于是自登萊淮揚吳越閩嶺濱海要地築城凡數十民丁四取一爲兵戍之旣竣事而新第成率妻子陞辭賚予甚厚二十三年入朝忽感疾遣歸里二十七年上思王特詔與入覲手摩撫其體語及舊勞對之雪涕

王沈毅質直勇而善斷不妄發言入聞國論一語不泄  
行師受任奉詔卽行不少顧家臨敵果敢堅忍未嘗  
挫衄有語及兵法者輒笑曰臨陳決機在智識敏達  
何泥古爲家蓄媵妾百餘晚年皆資遣歸賞賜多惠  
鄉閭父老及孤貧無告者貴極公宰見故交遺民驩  
如也以功名令終智矣哉

黔寧沐昭靖王英

定遠人封西平侯卒年四十八贈黔寧王諡昭靖  
配享廟庭

八歲而孤遭兵亂母携之逃難上起兵收之撫爲子旣  
長溫爽有姿槩與李岐陽等俱賜國姓名文英數從  
征伐入侍帷幄晝夜勤勵目無忤視上器重公中宮  
尤愛之年十八授帳前都尉守鎮江甲辰轉指揮使  
加昭勇大將軍

洪武元年王取鉛山崇安遂從大將下福建擒平章陳  
友定爲製姓沐而单名曰英出鎮建寧三郡尋僉大

都督府事四年進同知九年鎮撫關西事有不便先更制而後聞十年副寧河王征西番渡黃河畧烏思藏耀兵崑崙轉戰千里俘鹵萬計封西平侯食祿二千五百石賜世券

十一年授征西將軍窮追西番降其萬戶迄失迦平其部落擒洮州十八族番酋并其衆三萬雜畜二十餘萬闢地千里還鎮關中十三年元脫火赤愛足擾邊王復帥所部蕩和林畧亦集乃渡黃河經寧夏歷賀蘭涉流沙七晝夜至其境分兵四翼薄穹廬大破之獲脫火赤愛足覆其全部十四年從大將軍異道出

古北口克灰山會寧渡臘胸河獲知院李宣

十五年以征南右副將軍同穎川侯傅友德永昌侯藍玉率師三十萬征雲南由辰沅遵陸路出羅鬼攻普定普安循格孤山之南出奇兵襲畢節擊可渡河皆克之梁王遣其將達里麻駐兵曲靖拒守王謀于友德曰雲南兵屯曲靖必意我軍深入勞頓且以程計之謂未能猝到彼必懈惰我若兼程以進出不意掩其未備此批亢擣虛之術也曲靖一破餘皆傳檄而定友德然之遂乘大霧進至白石江阻水而止霧霽則兩軍相望達里麻大驚悉擁精銳陳水上傅穎川

欲濟師王曰未可乃陽整衆鳴鼓若將濟者而別遣奇兵潛從上游繞出賊後賊陳動王乃趣師濟江以猛而善泅者數百人皆蒙盾直渡以長刀仰斫彼軍奪氣却數里結陳而待擊之勁戰自旦至晡蹀血震蕩王縱鐵騎橫貫而蹙之賊大潰生擒達里麻僵屍百里梁王聞敗走死直抵雲南諸郡皆下獨大理猶爲元守王與永昌侯攻之其帥段世據龍尾岡爲固王分一軍夜從間道登點蒼山襲其背質明王麾騎亂流至關壯士被羽先登關破伏兵從後夾擊擒段世拔大理移兵取車里平緬不浹月雲南郡邑悉平

分省列衛戍簡置守令勸課農桑後與潁川侯分道  
平東川烏蠻寇而彝兵叛者合圍雲南守帥馮誠等  
告急王簡萬騎馳救之賊夜遁乘勝急擊遂悉復諸  
失守者詔諸將班師王留鎮之三歲而破平麾下勒  
斬首千餘級

二十一年百夷思倫發等聚其衆來寇號三十萬王選  
卒二萬拒之甫對壘使都督馮誠以輕騎三百挑之  
賊率萬衆乘二十象來戰誠一戰殺數百人獲一象  
還王曰賊不足平也明日賊悉衆驅百象來鬪象皆  
背負欄楯挾大竹爲筒于兩旁筒置短槍十餘以慄

我王多置火銃神箭于前分軍爲三馮誠領中軍甯  
正居左湯昭居右大戰左軍小却王令左右斬左軍  
帥首左帥遙見一人拔刀馳下卽麾衆復前王督戰  
益急不移時寇大敗斬首三萬級俘萬人生獲四十  
七象餘皆被矢如刺蝟賊帥皆伏殪象背羣蠻震讐  
稽顙奉貢不敢復爲梗明年復平東川破走叛首阿  
資入朝賜宴奉天殿賚黃金二百兩白金五千兩彩  
幣百襲鈔五千錠陞辭上撫之曰使我高枕而無南  
顧憂者爾也王歸鎮復大破阿資衆走之使使以兵  
威折脅八百媳婦國并諸番有重譯貢者初王留鎮



之明年哭孝慈皇后再鎮之三年哭懿文太子極哀吐血卒年四十八訃聞上慟哭命以喪歸賜葬都門外追封黔寧王謚昭靖侑享太廟

王沈毅有智量好賢禮士撫卒伍有恩未嘗濫殺旣鎮雲南事事修舉墾田至一百一萬二千畝辨方物以定其賦視民數以均其役疎節目以寧便其人嘗從容詢一儒生欲觀書勸讀大學衍義益以通鑑綱目不二三年學問大進論事輒援引典故又于壁間大書周子太極圖說張子東西二銘朱子敬齋箴孔明出師二表李密陳情表韓愈佛骨表朝夕瞻對求其

理趣擇民間之俊秀及土官子弟皆令入學肄業使  
知禮義朔望自往釋菜設食給衣曰首善之地風化  
攸出不可後也嘗得太極圖善本并白鹿洞規刻石  
置文廟平居無所嗜惟有馬癖曰天用莫如龍地用  
莫如馬支遁一僧爾猶愛其神駿畜之吾將也馳逐  
于兩陣與吾一心以立功者在良驥耳是不可愛而  
他愛乎畜息甚富良者屢以充貢餘遇征討分給將  
校勇敢善戰者所得至十餘匹後雲南父老與蠻彝  
土官願卽府城立廟以聞報可

宋國馮武壯公勝

初名國勝更名宗異最後名勝定遠人累功封宋

國公卒年四十南都追贈寧陵王諡武壯

父文質有三子長曰國用季曰勝皆驍勇饒智畧國用  
貌都雅動止舉舉而公長軀偉面磊落慷慨生時黑  
氣滿舍若煙霧經日不散里中異之淮南兵起兄弟  
聚衆立砦自固高皇畧地至妙山國用儒服來謁上  
曰若書生耶試爲我計安出國用曰建康龍蟠虎踞  
帝王都會其帥懦弱不任兵宜急擊下其城據以號  
召四方天下不難定也上大悅曰此吾心也歸砦挾

其弟拔衆俱來上見公尤愛異之引其兄弟爲心膂  
事寄當李善長亞而皆善戰典親軍諸忠勇知計之  
士惟國用兄弟至最先三汊河之戰國用手獲其帥  
與公偕攻和之板門寨先登又敗雞籠山寇會得巢  
湖水寨兵遂從上渡江破擒陳也先赦之與盟插血  
而啣國用曰其人必叛也先果行刺不克走爲下所  
殺姪兆先復擁衆據方山與蠻子海牙分水陸相犄  
國用從破海牙及兆先盡得其衆上選降卒驍勇者  
五百人爲宿衛獨國用擐甲侍帳中上寢息自如五  
百人皆感服上卽以屬國用公將之攻金陵先登復

從取鎮江俱授萬戶因從取寧國定泰興宜興俱進  
大元帥國用以忠謹擢帳前親兵都指揮使專待謀  
議從征金華進平紹興功最多屬疾卒上親臨奠哭  
之勦賜葬江寧贈郢國公

明年公代爲都指揮使陳友諒逼龍灣上禦之大戰石  
灰山公率宿衛直擣其中堅大破之再從拔江州及  
解安豐之圍走元將左君弼移兵取江西諸郡合兵  
下淮東公獨圍高郵爲所紿失兵千人上召而撻之  
徒步至軍怒甚勒軍一鼓下之從討張士誠下吳興  
進圍蘇州破之論功次平章遇春進銀青榮祿大夫

右都督

洪武元年會取汴梁克河南陝州西拔潼關守之復西  
下華州旋師謁上千汴拜征鹵右副將軍命守汴其  
冬從大將軍下山西克平陽絳州制詔右副將軍居  
遇春下湯和次之楊璟又次之渡河取鳳翔李思齊  
走臨洮兵逼臨洮降之還從大將軍圍慶陽執叛將  
張良臣全陝悉平前是上諭達大軍已下慶陽右副  
將軍權鎮節制諸路兵馬而大將軍與偏將軍和先  
還京議功賞達遂還又五十餘日公亦至上責之曰  
將軍不奉詔耶外遏鹵內填撫關陝所寄甚重而弁

髦之何故公頓首請死上以功高弗問至定賞頗列其事金幣減半

三年春再以征鹵右副將軍同大將軍出擣定西大破王保保自秦州南出一百八渡徇畧陽擒其平章蔡琳入沔州又遣別將由鳳翔入連雲棧合攻興元克之蜀地大震征哨極于西北凱還論功封宋國公食祿三千石賜券誥謂公兄弟親同骨肉痛切支體又謂公十餘年間內則除肘腋之患外則建爪牙之功平定中原佐成混一所稱揚甚至賜文綺帛八十匹五年春爲征西將軍率五萬騎由西路出金蘭取甘肅

以疑鹵且分其勢兵至蘭州遣傅將軍以驍騎五千  
爲先鋒連戰敗鹵遂定甘肅進亦集乃路降其守將  
小顏帖木兒次別力篤山岐王朶兒只班走獲其平  
章張加奴等及馬駝牛羊十餘萬時大將軍達兵不  
利左副將軍文忠所得失相當獨公以捷聞而有言  
其匿鹵橐駝馬者賞不行自是連以將軍印練兵臨  
清北平繼往大同討元殘寇散不剌等還鎮陝西改  
河南冊其女爲周王櫛妃

十三年故元平章乃兒不花寇邊明年大將軍討之上  
命公佩征鹵將軍印練兵河南待發頃之天象有警



勅公曰今天象有警占在大梁乃爾封地就語都指揮馬兒宜慎防刺客未逾月又勅曰天象屢見不可不警秦晉二王還京宜選精銳嚴宿衛王至宋國公出迎則都指揮守城都指揮出迎則宋國公守城官兵以三之一迎餘悉城守時北方初定而上之嚴密如此

元丞相納哈出擁大衆金山數窺伺遼東爲患乃拜公征鹵大將軍傅友德藍玉左右副將軍步騎二十萬備之諸公侯皆從上復遣故所獲納哈出部將乃刺吾奉璽書諭之降公等至通州謀鹵有屯慶州者遣

永昌侯王以輕騎乘大雪掩之殺其平章朶來大獲  
士馬而還公出松亭分築大寧寬河等四城遂駐大  
寧踰兩月留兵五萬守大寧以全師壓金山納哈出  
見乃刺吾而驚曰爾尚在乎乃刺吾頗爲述上恩德  
且示以富貴納哈出喜卽遣其左丞探馬赤等至公  
軍獻馬初納哈出分其衆爲四一曰榆林一曰養鵝  
莊一曰龍安一曰禿河其人畜輜重富於元主不肯  
預朝會召之亦不往公大軍直前逼納哈出度不敵  
乃因乃刺吾請降公使藍玉以輕兵往受之納哈出  
覘知我兵盛指天嘖嘖曰天不復與我有此衆矣遂

率數百騎詣王約降王大喜出酒與飲納哈出別酌所携酌王王讓之先納哈出卽先飲復酌酌王王解衣衣之曰請服此而後飲納哈出讓弗肯衣王亦持弗飲久之納哈出取酒澆地顧其下咄咄語鄭國公茂者公子壻也公故欲兒子畜之茂不受且迫欲自見而其部將趙指揮解胡語謂茂此且欲遁也茂遽前導之納哈出驚起欲就馬茂拔佩刀斫之傷臂不得去都督耿忠遂以兵擁納哈出馳而見公其將士妻子凡十餘萬在松花河者聞而驚潰公遣降將觀童往諭之皆降凡四萬騎并得其各愛馬所部凡二

十餘萬羊馬驢馳車服至百餘里納哈出有二姪不  
肯降公復遣諭再三折弓矢擲地來降公以禮宴待  
哈納出令耿忠與同寢食遣使奏捷罪狀鄭國公上  
聞大悅使使諭公等所以勞賜納哈出玉帶龍衣及  
其部曲金幣無算封爲海西侯械鄭公茂至京會有  
言公娶鹵妃及受良馬無算者又失都督濮英三千  
騎而茂亦自陳所以搏納哈出故且訐公過上乃命  
收大將軍印公還京命歸鳳陽里第奉朝請而諸將  
士亦無封賞者茂削爵安置嶺右

二十五年加太子太師時勲臣望重者八人公居第三

公子諒與家奴同謀殺人囑縣官勿舉事覺上諭公  
家奴如律特免諒死二十七年諭公曰天道以有餘  
補不足人反其道乃以不足奉有餘嗚呼禍福之來  
皆人自致朕命卿子出鎮西鄙近以家人違令聞朕  
察言觀色良由不得其所故爾然小人畧無怨言誠  
可愛惜朕念卿昆弟相從開國有功且聯姻親不忍  
不爲卿言自後役人俾得從容足衣食無窘迫自然  
效力下無怨咨則家道昌矣二十八年暴卒

名山藏云勝家居僮僕倚勝橫攔稅輜重乘載勝獲  
稻打場塋旣場下碾碌礮其上取共有鞞鞞聲出人  
騎善馬邑有樊父名爲瘞國用妻家也勝一日爲酒  
召樊父盛陳其金銀器盃與樊父戲而令瘞之樊父

既得難勝曰必千金乃還勝怒走於上樊父亦訟  
勝言其居家所爲若曰場下塞兵器上子勝酒曰我  
不問勝歸遂死  
諸子皆不得封

弇州贊曰馮國用不死其岐陽伯仲乎公有大將材積  
戰功久而其中不能無欲且又時時見驚桀焉能免  
乎金山之役璽書凡三下以中山開平二王喻之始  
而勉之中而戒之終而愧焉雖然公功大罪不能掩  
譴廢可也嫌死不可也不王可也不侯不可也

潁國傅武靖公友德

字



宿州人累功封潁國公卒年



十



南都

追贈麗江王諡武靖

元季避亂潁川礪山中爲大盜李喜之所得從破山東  
焚燒上都宮闕躡關隴轉剽入蜀嘗爲軍鋒冠李喜  
之敗歸明玉珍不能用走從陳友諒

辛丑高皇攻江州公率衆來歸上奇之俾爲別將屬常  
遇春從援安豐掠廬州還從逆擊陳友諒於鄱陽湖  
公操輕舟盪其鋒身被數創戰益力手殺數百人復  
與諸將邀之禁江口友諒死師旋第功最復從上親

征圍武昌城東南有高冠山下瞰城中上顧諸將誰  
能奪此山者賞公卽率萬人先登一鼓而奪之流矢  
中頰鏃出腦後復洞脇不爲沮武昌平超授雄武衛  
指揮使復從徐達下廬州西取蕪陵畧衡州襄陽安  
陸俱取之與元守兵戰身被九創破擒其將任亮還  
師淮東克泰州進逼淮安破張士誠援兵於馬驢港  
復大破元將竹貞于安豐

吳元年命公守彭城王保保遣大將李二來寇勢張甚  
駐陵子村公度兵寡不敵調其散掠率步騎二千自  
呂梁渡直趨擊之驍將韓乙出戰單騎刺墜馬遂敗



之度賊益兵且復至歸而陣于野臥槍開城門以待  
李二果盛兵至鼓之士騰搏賊大敗之縛李二以獻  
上悅進江淮行省叅政召入以麾蓋鼓吹送歸第翌  
日復命中書叅政李飲冰楊希聖携音伎一部就第  
飲飲冰等醉而裸與伎人戲上怒皆黥之諭公曰若  
掇甲冑出百死一歎之固當而彼士人何爲者吾不  
而咎也

明年大將軍北征上所褒勉不四五人而獨謂叅政友  
德與右丞薛顯勇畧冠諸將可授先鋒當一面公遂  
從大將軍破沂州斬王宣下青州連收山東河南進

克元都精騎偵邏古北諸隘從定中山真定進兵太原王保保來援兵未交萬騎突出壓營而陣公帥死士五百衝却之因合謀夜掩其營王保保棄軍走復敗賀宗哲于石州逐竹貞至宣府復從大將軍西入關走張思道逼臨洮降李思齊大將軍圍慶陽公以驍騎扼走路慶陽下關陝悉平賜白金文綺

洪武三年復從大將軍擣定西大破王保保移兵伐蜀領前鋒出秦州奪畧陽關鹵其平章蔡琳入沔分兵由鳳翔經連雲棧合攻漢中克之以饋運不繼還軍西安蜀將吳友仁謀復漢中兵大至守臣告急公以

精騎三千攻斗山寨夜令人各持十炬列山上蜀兵疑大軍至驚遁復與大將軍偵探極西北還封潁川侯

洪武三年冬拜征鹵前將軍與征西將軍和德慶侯永忠濟寧侯時入蜀伐夏和與永忠由瞿塘以舟師取重慶公率顧時由秦隴以步騎趨成都辭朝上曰蜀人聞我西伐必悉精銳東守瞿塘北阻金牛拒我師出其意外直搗階文門戶旣隳腹心自潰兵貴神速但患不勇耳公至陝揚言出金牛覘階文守備弱卽趨陳倉選鋒攀緣山谷晝夜行大軍繼之直抵階州

守將丁世珍倉皇拒戰擊走之階州下遂趨文州蜀  
斷白龍江橋自固公立督兵修橋以渡遂拔文州渡  
江所至皆不戰而潰進拔綿州漢水漲伐山木造百  
艦而渡欲通軍聲于湯將軍爲木牌數千書克階文  
綿日月投漢江順流下蜀守者見之解體竒圍漢州  
其丞相戴壽太尉吳友仁等分瞿塘守兵來援則公  
已破其守將向大亨親督勁兵逆擊大敗之拔漢州  
進圍成都壽以巨象載甲士前戰公勒強努挾火器  
衝之象皆却走兵躡籍死無數萬上引其功切責東  
諸將所書木牌亦達東軍遂趨夔州七月壽大亨以

成都降公湯將軍亦克重慶公分兵盡下川蜀諸郡  
縣十月還京十二月論功上曰平蜀功傳一廖次旌  
之文予之金湯將軍和不與賞焉

五年副馮將軍征沙漠由西路出金蘭先率驍勇五千  
馳趨西涼進畧甘肅手射殺平章不花至瓜沙州大  
捷是時師出三道獨公獲全勝而以主將坐小法不  
被賞踰年復爲前鋒出塞鹵聞絕漠徙去還軍填北  
平上疏言五事其一請通清河冰水便漕粟其二宜  
招撫流民給以種具復三年其三古北等隘罷民守  
戍發兵千人代之便其四關外新附丁口貧宜給衣

糧厚恤其五北平郡歲供億大軍宜有以紓之上褒  
允下所司速行

十四年爲征鹵副將軍與大將軍達討故元平章乃兒  
不花出塞大破鹵北黃河選輕騎夜襲灰山獲其部  
落人畜甚衆其秋拜征南將軍與藍玉沐英統兵三  
十萬征雲南上曰雲南遐僻取之當自永寧始先遣  
驍將別軍向烏撒大軍繼自辰沅入普定分據要害  
乃進兵曲靖雲南喉襟彼必併力拒我審勢出奇取  
勝在此旣下曲靖三將軍一提勁兵趨烏撒應永寧  
大軍直擣雲南彼此牽制彼疲于奔命破之必矣雲

南旣克分兵徑趨大理勢將瓦解其餘可不煩兵而  
下公馳至湖廣遣別將郭英陳桓胡海等帥兵五萬  
由永寧趨烏撒而自率大軍由辰沅取貴州攻普定  
普安下之進取曲靖梁王把匝剌瓦爾密遣平章達  
里麻將精兵十餘萬以拒我師公用沐英計兼道蒙  
霧潛渡白石江下流出其後而畢濟于上流之江旣  
陳公麾軍大戰縱鐵騎擣之生擒達里麻遂平曲靖  
公遂城烏撒得七星關通畢節又克可渡河于是東  
川烏蒙叅部皆降十五年上諭公梁王尚在靄翠不  
降雖得雲南亦難守遂進兵克大理擒土酋段世分

明名臣言行錄卷一

兵畧下鶴慶麗江金齒車里平緬皆降靄翠悉款附  
梁王入山自縊死俘其眷屬及威順王子伯伯于京  
師凡三百餘人公因俗立法定貢賦興學校掩戰略  
廣屯田南人大悅十七年還京論功進封穎國公食  
祿三千石與世券

二十四年北征追故元遼王方進兵遽下令班師鹵信  
之少懈趨師深入掩襲鹵衆而還東川蠻復叛命公  
率諸軍往討之并討越州叛酋阿資皆破之還命與  
諸將駐兵湖廣要地休士且以壓服諸蠻之叛服不  
嘗者尋赴北平練卒從燕王出古北口悉收其部落



踰黑嶺至鎌子海窮熊皮山而還召歸加賜還鄉請  
懷遠田千畝上引公儀休事諭止之再遣練兵備邊  
復理山西諸衛兵已副宋公總山西河南兵馬屯田  
公侯在事者悉聽節制還進兼太子太師尋復與宋  
公往北平山西備邊聽秦燕二王節制二十七年十  
一月暴卒二子忠尚壽春公主爲駙馬都尉讓金吾  
所鎮撫

名山藏云藍玉誅友德以功多內懼定遠侯王弼謂  
友德上春秋高行旦夕盡我輩我輩當合從連衡上  
聞之會冬宴從者徹饌徹不盡一蔬上責友德不敬  
且曰召爾二子來友德出衛士有傳上語曰携其首  
至頃之友德携二子首以入上驚曰何遽爾忍人也  
友德出匕首袖中不過欲吾父子頭耳遂自刎上怒

分徙其家屬於遼東  
雲南而王弼亦自盡

弇州贊曰當時持重善將將無如中山王至暗嗚跳盪  
獨開平王而友德差次之稱二虎將開平死大封之  
後友德始益展而有方面勲取巴蜀定滇竿其曄曄  
蓋庶幾中山矣後友德公者爲涼公藍玉其戰功亞  
友德至上寵任之友德弗如也然卒以謀反死

江國吳襄烈公良

初名國興定遠人

氣岸雄偉與弟禎俱以勇畧聞太祖起滁濠公兄弟委身相從服勤左右軍中有秘機公能沒水偵伺而禎異服爲間諜甲午秋從上取滁州乙未春從克河陽六月從渡大江與元兵戰于采石拔其營乘勝克姑孰尋下溧水溧陽丙申從定建康又從大將軍徐達克鎮江下常州丁酉下江陰命良以指揮使領兵鎮守時僞吳張士誠據姑蘇跨有淮東浙右地大物衆兵食富強而江陰枕大江正當其要衝士誠又多變

詐動以金帛啗誘將士良行上諭之曰彼以詐我以誠爾爲邊將鎮守封疆約束士卒毋外交毋納逋逃毋逐小利毋與爭鋒惟保境安民而已命其弟禎增兵助爲守士誠率舟師蔽江而來建牙君山公以計破之敵宵遁自是敵舟師不敢沂大江與漢人結連合從而上得專力戰荆楚間

公戍江陰十年晝則披甲乘障夜則枕戈警備內外姦人不得出入暇延章縫論書史絃誦相聞自持淡食苦無所嗜好太祖召勞之曰吳院判保障一方使我無東顧憂車馬珠玉不足旌其能命儒臣朱濂等爲

歌詩美之既追吳巫子門過江陰勞軍周巡壁壘歎  
曰卿非昔日吳起乎吳平加昭勇大將軍蘇州衛指  
揮使鎮吳公在吳一如治江陰時

洪武二年置全州守禦千戶所命領精銳往守之三年  
論功封江陰侯與世券五年爲征南將軍討廣西叛  
蠻盡平其地移兵入銅鼓五開踰騰浪諸溪洞蠻獍  
畏威懷德輸租奉法令八年上移江南民十四萬田  
鳳陽壯京畿令公與李太師周德興等督田事十二  
年齊王受封青州命營建王府納其女爲王妃留三  
載疾卒年五十八贈江國公諡襄烈肖像祭功臣廟

子仁人長高嗣侯

明名臣言行錄卷二

終